

大清光緒十六年

本館新聞除禮拜外日出一張
本館外埠均可預致本館取
明如外埠閱報加寄費可
也除日報照常刊送外復不
惜工本從英國購辦釘書機
各樣機器以待與各官商
刊印書籍單件前有英國各
種活字及各式花邊等紙有
西人地印工藝甚精所有中
西文字均能刊印並有石版
印字大小機器均用精工刊

第二千六百八十三號

申報

(本館開在英界盤龍口第十一號)

印工緻絕倫並延有文士書
寫各體文字現由上海購到
各種書籍出售其書目另行
刊佈所有各項價甚相宜再
本館所登來札原擇其有關
世道人心者附登否亦須無
礙於人而後始錄其有謬屬
成文以及支離費解者概不
登報嗣後諸翁來札尚祈
自諒更須寫實里而後敢
登但來稿登與不登均不能
將原稿收回也 本館謹白

庚寅九月十七日

凡閱報者每月一元每日每張五仙 大英一千八百九十三年十月三十一號禮拜四 凡刊印告白第一日每一字一仙第二日以下每字半仙

漸到各種奇書發售 ○啟者本館近由上海姑蘇等處採買各種奇異叢書及地輿圖誌等書
購發售其書或銅板木板石板均無不有且字畫精善等項尤繁多有頃地未嘗見者其有益於世
道人心者實非鮮淺有非徒快耳目者比茲特以廉價出沽諒亦 諸君子所欲先睹為快者也所有各書
目錄已另列單張附呈 鈞覽閱者 鑒焉
本館謹啟

辛卯月份牌發售 ○啟者本報所印光緒十七年辛卯之月份牌業經告竣其寫印之工巧固已
較勝於往年且復詳加考察核對精微不至有所訛舛以至貽笑方家 諸君欲選購者無論色紙白紙以
及填色描金均憑選擇價甚相宜尚懇 移玉早臨不勝欣幸此佈
本館謹啟

惜命說

竊嘗曠觀劫地之風氣人心有不禁為之慨然者夫奸淫邪盜拐騙凶殘流固無論矣然此猶謂有損於
人未嘗目前無益於己則為此事者尚可以之藉口不知此中更有愚而甚者則更莫若輕生然輕生之事
約有兩端其心事迥然不同一則出於魯莽一則出於癡迷要之均屬愚而後始出於此也魯莽者何每
見夫劫地之人動輒逞其氣血常因細故遂如不共戴天之仇每至起而忿爭性命亦且置之度外而會黨
之人則為尤甚試觀本坡各會之人常不相能各率黨徒起而械鬥試問其事之緣起要亦無甚大有可仇
之處亦不過或因口角或緣爭妒所以起而苦爭且與鬥者其事多與已無關不過因他人之仇而已遂從
而助之出入於刀林劍隊之中而與他人苦爭鬪氣不知爭鬥之事實有其危相鬥之下最屬無情稍一不
慮幾何不至死於鋒刃之下若是固殊不值即幸而獲勝殺人致死而被官執獲則已亦不免以命償之亦
皆所謂自輕其生以尋死路也夫作客萬里飄泊天涯何致與人相仇且其事與已無關乃亦甘捨其身而
不顧不亦愚哉癡迷者何又見夫娼妓者流女愛男歡其奈私情莫遂則多有仰阿芙蓉而斃命者更有或
因欠項難償或因事機難就一時憤急亦至自輕其生者種種所為均無不有噫何劫地之人其短見也如
是耶夫天地以好生為德仁人仰體天心故且草木不敢毀傷物命至微猶復如此況人命至重其敢恣
行殺害乎人命尚且不敢恣行殺害而况自害其生命乎孟子曰守孰為大守身為大守身守之本也曾子
曰父母全而生之予全而歸之可謂孝矣兩間之數雖修短不齊壽夭各異然必以考終命者斯足為貴即
不幸而遇險阻患難之來亦當求其義理之安委曲求全豈遂無術可以慎恨之故輕於一擲耶故曰死
之兩取俱傷同歸於盡過一時血氣之勇貽千古悔恨之憂此與匹夫匹婦之為諒自輕於溝瀆而莫知之
者相去幾何哉夫古來英雄豪傑胸懷大志心有良謀縱遭際不辰亦隱忍自存留其身以有待所以屈極
能伸反敗為成功光昭史策聲施奕奕試觀文王囚於羑里勾踐棲於會稽韓信向受胯下之辱子胥亦有乞
食之時鑒於古人可以曉然奮興矣夫天心仁愛是以有大生廣生之譽國家體上蒼之意亦以好生為心
故視民命為至重律例所載殺人償命防人戕害生命故也今之自殺其身豈無罪可譴不過其身已死不
忍復加之罪耳至若短見輕生自尋死所者流則尤為至愚之甚夫蠅蟻之流尚且貪生惡死况儼然人也
而顯可以自蹈死機乎然試推尋死者之心初不過因一時憤極故欲以一死了之然此實出於憤激所為
未暇為之他顧致出於此久後自思未嘗有不因而中悔者於中國猶或可以儆倖為之若在英屬地方則此
事更不宜為者蓋服毒自盡之事英例斷為自尋死路不能歸咎於人然則雖至於死亦不過徒自苦耳又
安能概賴於人乃劫地亦竟有之噫愚人之愚其真莫斯之甚矣爰作是說冀為晨鐘之一扣焉
諭旨恭錄 ○八月二十九日奉 上諭沈源深現在出差都察院左副都御史着錢應澂署理欽
此同日奉 上諭貴恒現在出差都察院左都御史着松桂署理欽此同日奉 旨貴恒現在出差所管鎮
白旗蒙古都統着奕劻署理欽此

屬任內一切處分悉予開復應得卹典該衙門察例具奏加恩予諡並於立功省分建立專祠其生平戰功事跡宜付國史館立傳伊子附生楊晉儀著賞給舉人准其一體會試伊孫候選縣丞楊鎮榮著以知縣補用楊道讓著俟及歲時由吏部帶領引見用示篤念區區至意欽此

德國電音 ○十四日英京發來電報云現值德國元戎毛奇九旬大壽之期而德皇親幸其第在眾將之前賜壽舉行賀禮君恩寵錫實為向來所未有而德皇禮重者臣之德亦可於此以見之矣

意國電音 ○十四日英京發來電報云現在意國商人議設公司一所計集老本二十兆扶令之多此欲在亞非利加經營土地之用也查亞非利加一洲英德兩國均創有公司取其土地以為經營之用今意國復擬創設公司若此舉有成洵可與英德兩國鼎足而三矣

白蠟餘政來助 ○刻接官場信息云白蠟餘政使司瑞公丁咸已於十五日言抵叻中瑞公此來想亦因公而至也

再續餘款 ○本坡秋賽現報罷茲聞有馬主三人以餘興未闕故已購金製造銀碗三具欲令各馬再賽一日以盡餘款故各馬主現已定於十九日禮拜六再行相賽矣

盜盜盜 盜盜盜 ○近來叻地盜賊之多固為向來所未有大抵道途之上必致觸目皆然但人不能識之以故無從辨別耳竊聞老於閱歷者云凡慣為盜者直視此為營生之路是必聯合黨徒預謀窩所欲在該處為盜者必先與該處之盜聯成一氣而後始可為之然則所謂盜者固與羣盜相聯祇有彼盜他人之物會無他人以盜其物矣而抑知竟有不然者且以堂堂富主為羣盜總領之人乃亦為盜所覬覦是豈叻地之盜黨甚多彼此不相聯絡者耶聞牛車水有某屋者寓所也主人某甲乃無賴之尤者然已不出而作竊惟出資稅屋并捐飯食之費以為養盜之需凡諸竊盜多出其門日則高枕而眠至夜即飽餐四出各以所長而為槍竊剪綰等技所得贓物即持歸而納交於甲以俟積有成數即由甲按此中之規矩分之故甲則罕有出門惟日臥於烟霞窟中以分其利而所入亦殊不薄也近來諸盜會竊某某家得有贓物甚豐計有金銀一對金環一對及鑽石戒指數枚其值不下二百餘金但以失主報案查緝甚嚴以故倉猝之間無從脫手故此贓物即暫貯於甲所甲則乘甲以破置於臥室中床下蓋以此為人所不及疑且恃已係宿家羣盜均於此中匿跡再不虞有人竊去在甲之計亦未嘗不甚工也但甲所居之屋每夜均有羣盜出入故其門通宵不閉但虛掩之此以便諸盜出入以免竟夕扣門以致誤事如是者亦習以為常前數夜約一點鐘之際羣盜均已他出惟甲與其役人在室役則倦而早睡而甲則一燈獨對半榻橫陳迷戀於烟窟之中時亦倦甚因而假寐即俗所謂發烟迷者乃甲似睡非睡之際恍惚間覺有一人徑入室中隨伏床前探手床下取物狀時甲方以為羣盜偶來取物因漫置之蓋甲曰無之甲聞眾語不於榻下諸盜取用已慣故不之疑也未幾其人遂去甲亦不以為意迨至翌早羣盜歸後甲偶問夜來誰向床下取物眾咸曰無之甲聞眾語不免生疑乃急至榻下搜查則他物俱存惟所竊金銀及鑽石戒指等贓則已歸諸烏有矣甲至是始知夜間之客係因作竊而來大抵此盜明知甲係宿家疎於防範故特將計就計以圖之也因計甲之所失已約二百餘金然終不知盜者為誰但此物亦係作竊所來贓物顯然故又不敢赴公庭報案惟有啞忍任之而已噫若該盜者竟盜盜盜安然得手且不患失主為之告發其計殊工矣然盜窟之物亦有人從而盜之可見叻地之盜黨甚繁彼此之黨既有不同故遂因而盜及也或曰此非外盜是必甲之黨人試觀其公然入室且探手床下即知其贓所在是豈外盜所能知之大抵甲之黨內必有匪此鉅贓故圖竊取乘甲不覺故不承認而假稱為外盜耳是說也亦有理存焉若果屬實則可見盜匪有難交之處彼此為衣食之計者是又烏能長享也哉

是實枉死 ○有閩人郭敬者向在距叻六英里半之大班蘭地方闢園種蔬為業於去月初七日因傷至西醫院中調治迨至本月初四日業經出院乃初八日又因所傷復發再行入院至是則勢已頹危而副巡捕官霍君據報病情恐有冤抑在於其間乃親至醫院內訊取供詞問其何故受傷據言事因鄰園有洪姓兄弟甲乙二人所豢之猪不知何故死亡甚多一日洪至彼園中聲音伊將其猪殺斃不容分說即執而毒毆并用鋤柄將其少腹撞傷等情霍君據供因錄之而返迨至十四日而郭業經斃命因循例請驗屍官到場相驗畢判謂郭本有舊病至今適發以至身亡并非由於毆傷等情故此案遂不能控究云噫若郭也者是實枉死矣

被槍報案 ○粵婦英亞炳寓居亞邊街於十二夜偶至陽春園中觀劇嗣以所演未甚愜意因不俟其演畢即欲先回時婦帶有金鐲一對計值一百零二元乃方出門園門遽為匪徒搶去婦因大呼搶物且緊追之而匪即逃入戲園中婦欲追入詎即有一人出而將婦攔截問欲何為婦以槍物對其人即歸婦曰吾園方演戲劇汝若呼槍物必至觀劇者為之惶亂恐致釀事汝不如姑坐原處觀劇俟吾為汝細查贓物可也婦聞言亦殊有理因如所語復坐觀劇詎未幾其人復至謂此物遍查不獲想該匪業已潛逃矣婦至是始知其人與匪串同故意延宕以為縱匪潛逃之計因忿然歸寓至十四日乃控其人於案至於其人之姓名婦雖無從知悉但謂識其面貌似係該園演劇之人云云但未悉此案將來作何了結也


抑何無賴 ○牛車水擺賣粥案之潮人前夜被兩粵人將其案桌掀翻致有滋鬧因將其一人執獲之粵已登昨報嗣該處巡差以道傍擺賣食物之人最多滋事因諭諸人若擺賣各物須在騎樓之下不得如前復在路傍擺設等情迨至十四夜則該處一帶所有賣粥之潮人

紅頭仔標萬蘭池酒出售

藥奇功

近來之沽賣藥酒者多矣然就余之所見則最妙者尤莫如壽春園之鹿骨膠藥酒姑無論其酒味之醇酒質之厚且其所用之方藥實為神妙以精迴非尋常所能望其肩背且其功能補先後二天之不足無論一切內外諸症飲之均效功難盡述余親試之有驗不忘其德爰為刊報以彰明此酒之佳現此酒在叻玻璃後第十五號門牌長源號發售且取價甚廉每樽沽銀二角半每逢朔望則每樽沽銀二角諸君沽飲便知余說之非虛也
光緒十六年閏二月十三日
南京世醫徐海瑞謹識

鐵櫥出售



啟者本行所售之鐵櫥在本坡馳名已久素蒙諸君購用無不盛稱其妙計此櫥之大小共有五等而價費最少亦在九十五元以上而此鐵櫥乃歐洲著名工師所製極為美善本坡所有西人齊習人以及作椒密生理諸華商多向本行購買以為貯銀之用因本行所沽者均用上等物料製造而成不惟能壯觀瞻而且異常堅固無論火燒盜劫均保無虞實美價廉莫此為甚倘諸君有欲購此櫥以收藏重寶可至本行選閱是幸特此聞佈
大英一千八百九十年正月四號
不殺呼峇公司即前
加珍目至不殺公司謹啟

啟者本公司所製之紅頭仔標萬蘭池酒馳名已久乃在歐洲名家所製自一千八百一十九年相傳至今已閱七十年之久而其酒收存有數十年方肯出而沽賣故其熱氣概已全消所以諸君沾飲者均深獎譽在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各標頭并有來士古乙



啟者本公司所督辦正金花鐘標萬蘭池酒久已馳名叻地華藉諸君子均喜用之現已議定與本坡酒公司包辦以應零沽凡諸翁有欲零購者請至酒公司沽買便得如買成起以便配往外處者仍可至本行沽買至此酒製造之法精妙異常酒味甚清以之蒸釀者皆為上等之料保無偽充之弊此酒若在本坡沽飲每瓶宜且價亦甚廉諸翁沽用須為留心辨認以防魚目之混因

正金鐘標萬蘭池酒出售



現在市上假冒者甚多如以上所黏各標頭無本行不殺呼峇華字者即為假貨幸勿為之誤買本行有厚望焉
大英一千八百八十九年十二月三號
不殺呼峇即前加珍洋行謹啟

本標只公司等西字為憑庶免為珠目之混是所切禱
大英一千八百八十九年 拾二月三號
不殺呼峇即前加珍洋行謹啟

天

已擬開通海風甚狂呼呼吹至火藉風勢即時焚起其勢能驚不可嚮避遂成回祿之災嗣經各水龍往為赴援迨至將近十一點鐘之際始經撲滅幸該屋四傍均係空地故未有延及他家并聞此屋尚未買有保險云

容館違例 ○許某向在牛車水創有萬德興新容館亦閱有年查該館之鄰家許亦稅之以為住眷之所於十五日竊護憲借有西書記稽查容館乃至該館細察而後旋至其家見有新客三名匿於是宅實屬有違例則故護憲飭差將許逮案以憑究治時許拘押捕房擬欲保出在外候訊故總差飭許自覓保人署立保券銀五百元方允如其所請旋為許已覓人保出在外矣十六日經大守提訊尙未判決因命將案展緩至十八日再行復訊惟此次許請在外候訊太守命其自覓保人署券二十五元云

驗屍飭驗 ○十五日有明嗎也洋行之輪船名壽嗎律者由亞沙漢埠抵叻泊於丹戎巴葛海面船中有一搭客係屬華人乃於該既泊定即為登陸詎知行不數武昏仆於地竟爾遽赴泉臺後為差察覺因昇其屍至國家醫院報案請驗旋經驗屍等將屍剖驗判謂該屍原有夙病今復受風濤之苦故致舊疾聯發溢然而逝是則該屍係緣病致斃與人無尤因照例給棺銷埋以銷厥案云

感泉獻錢

漳泉沿海愚民候神信鬼遇地方時疫流行無賴之徒假託鬼神之說藉以惑世斂財近有人創造王爺船以為資送疫鬼出海可免本方時疫一倡百和舉國若狂為首者即借此向人斂財從中取利據云造一王爺船為首諸人約得洋三千餘元而鄉曲愚人為其所惑敬神演戲花銷銀錢何止加倍泉漳風俗重巫不重醫遇有疾病大半請神降童開方給藥一惟跳童之人所言是聽所請之神除福茂官清水祖師慶人稱爲灶祀公神係大廟之神餘皆貧民自置數寸長之小王爺像號爲某姓王爺或某千歲能爲人治病其姓則朱蔡邢李張陳爲多其人即充當神之降童每欲跳神一次病家付跳脚之人謝儀一二百元待病愈酬勞尤厚是以靠此家中小王爺神像爲衣食計者不知凡幾一街一巷至少數十神幾乎家家皆有如本家之人有病本宅王爺不能醫治即請開壁之王爺降神給藥無論何藥均須煎服雖死者悟近來四鄉時疫日有死亡慶門人心惶惶於是無業遊氓造言生事謂本年須造五王爺方能送疫鬼出埠鎮南關麵線埋某甲爲首創造馬頭鄉溪岸鄉會厝按各鄉社繼之按戶募資趕造船隻刻下各船尙未造成慶門病疫者日多神童降跳均謂此病人生魂已被某處王爺翁船捉去充當航工水手管艙宜請王爺神靈往造船之處拜會督造王爺船之中軍府向之說情討回生魂不必派充王爺執事病家即備辦牲醴紙帛供獻並捐助銀洋百數元至十數元數十元不等以為酬謝使費此款係爲首造船者之生財大道與經手各人俵分而假裝跳童之童子則與伊等串通照所得使費跳童重加二收取此尤小焉者迨船已造成即又募捐迎神遊山探路賽會請王爺經費遊山探路者以全副儀仗執事恭抬神像前八人空輦一乘日間遊行街市入夜即將空輦抬在義塚荒山任意高下滿山亂走迨抬輦之人似覺輦中沈重便請王爺已到此鳴鑼開道回船闖鄉愚民又復相送柴米油鹽菜蔬牲醴果品日食所需居家所用各物件安放舟中聽憑王爺出洋使用實則遊手好閒者借此王爺之名搜劫錢財以飽私囊耳八月十六日有金門活嶼王爺一隻來廈借泊三十六崎脚媽祖官前碼頭海邊船中八十長之王爺偶像暫借媽祖官爲行館稱爲焦千歲媽祖官察仔後水仙宮一帶愚婦愚夫以為爲王爺降臨本境可保平安即僱官音戲班搭臺演唱王爺經手者即就媽祖官黏貼黃榜以備民間自送柴米油鹽水菓牲醴金銀紙帛等物並許願唱戲稱其名爲金門代天巡狩焦府千歲彩船廈門本地棍徒弄小王爺爲衣食計者即將本家所供王爺偶像抬在媽祖官拜會絡繹不絕王爺升炮接送隆隆之聲震耳戲臺演唱戲劇或官音大班或掌上木頭人班或本地七子土班日夜不停惟儂儂戲不演以傀儡爲戲之祖凡邪神鬼物均不敢當七月中元普度不演其戲不知其說之何所本也廈門各街巷之遊手無業人即藉金門王爺爲由出爲首事人向各人家捐募柴米醬菜蔬菓以及居船所用什物衣料紙帛件配以性醴擇日抬往王爺交納一街捐助至少數十拾箱而王船不過五六十担不能受此重載首事者另僱一五六百担大船稱爲王爺船將所收各物放入糧臺船中裝載已滿運往別處等語取利自十六日起已有三四次獲利之巨可想而知日前媽祖官黃榜上又黏焦王爺告示云限至八月二十八日所有各子弟願助添載一律完楚不再久待定期開船出巡別處云其爲借端斂財顯而易見本年順直山東洪水爲災億萬災民流離蕩析轉徙四方困苦情形非鄭監門流民圖所能盡轉瞬嚴寒將屆無食者又歎無衣雖經官紳勸捐助賑然羅掘已空幾成朽木之勢廈地居民既有許多閒錢飽無賴輩之慾望何不多助直順山東振相使災民得沾實惠智愚之判邪正之分胥在於此况修德必當獲報行善即以禳災天道昭彰神施不爽試觀助賑愈疾載在報章歷歷可證亦足見善舉之大可爲矣聰明正理之謂神果是正神必不輕於喜怒若怒則降罰人聞喜則報以吉兆此妖神邪魅之所爲人人得而共逐之昔湯文正撫吳時毀五通禁淫祀三吳之民目染耳濡風俗爲之大變可見地方官若能正直無私邪魔自爲之退避三舍去歲天時苦旱泉永道吳春泉觀察爲民請命至城隍廟拈香求雨朝暮兩次連求三日依然不雨又求三日不雨如故觀察怒甚謂城隍神不能爲民造福不靈孰甚命將廟門封鎖將神像抬出廟外曝於烈日而觀察亦兀坐其側不張蓋不揮扇未滿一日烏雲四合大雨傾盆人皆以爲至誠感神所致嗚呼有地方之責者若能以吳觀察之心爲心則和風扇而氛祲消日月出而燭火熄尙何疫癘之足患哉無賴之輩藉端感眾尤爲法所不容此次如不懲辦恐別鄉之遊手好閒者見金門造船到廈獲此厚利官憲未嘗過問不免相率效尤勞民傷財爲禍甚烈然則身膺民社者其可不雷厲風行密拿嚴辦以革澳風而挽頹俗也

斥明妄報 ○昨閱星報載有事多端一則內言中秋夕做號源暨失火工部局訊問之事閱其所報荒謬異常想做號被災後雖曾至工部局內質訊二次然係在去月下旬之事聞時已久而該報稱爲前日則其謬妄可知其尤謬者則謂余到局時稱言是時不在店中因以事過準故一切失火之事茫然無知云云不知失火之際余正在於店中當夜會親擊琴琴至對門振德興號號暫避翌早始遷往戚家暫住余到案之際所供如是實有供語可憑又何得妄捏謠言謂余稱言過準乎即此一端則該報訪事人之謬妄可見觀其所報皆屬捕風捉影之詞至謂余購店貽號號李碧蓮所供云云是否屬實余未嘗親聽無從得知之但余前曾與該號担保揭到齊智人欸項五百元證明以十月分償贖該店僅償三月即不復交以至齊智人出有三萬向余索取或者因此之故致肇嫌隙亦未可知但此非余所親聽之言則是否亦無從臆斷但觀其所報余供之語荒謬如是則其他亦概可知矣余閱此報實於聲名有開故不得不將此事辨明以見該報訪事人之謬 閱者其垂察焉庶涇渭不至混淆則幸甚矣 大清光緒十六年歲次庚寅九月十七日 源豐號主人盧德合謹啟

承頂聲明 ○啟者井里汶聯豐號出水在地生理原係陳榮豪童修竹於己丑年同創該童修竹志圖別業願將自己名下所得股份概行頂與陳榮豪承受業於本年九月初一日交易所有童修竹名下應得本利銀一概收楚楚作爲退股自後本店生理盈虧不干童修竹之事而童修竹有與 各寶號往來數項均向經手是問與本號無涉先此聲明免滋後論 光緒十六年九月十七日 聯豐號陳榮豪謹白

承頂聲明 ○啟者牛車水海園橫街第十號門牌廣隆和與記號雜貨生理原係易寶山開創經營茲緣易寶山志圖別業待招到林世鏗等前來頂受業將廣隆和記號店底傢器貨物全盤生理等數核算清楚所有易寶山應得招項銀項概已如數清償嗣後任從林世鏗等改號曰廣來昌號永遠握管經營他日生理盈虧不干易寶山之事倘易寶山有與 各寶號交易往來等數均向經手是問亦與林世鏗等無涉此佈 大清光緒十六年九月十六日 新承頂人林世鏗等全啟

退股聲明 ○啟者賭間口第二十七號門牌復德號生理內有章縣成洪德虎二人之股份現章縣成洪德虎志圖別業已將自己名下應得之股概行退出歸復德號內各股份人承受嗣後該號生理盈虧以及來往各數目均歸復德號自行核理與章縣成洪德虎二人無涉特此聲明免滋後論 大清光緒十六年九月十五日 退股人章縣成洪德虎同啟

聲明告白 ○啟者牛車水景春園街第五號門牌萬昌隆雜貨店原係已故之鄧昌玲所創茲鄧昌玲業經身故因欠租項致該店爲業主稟封嗣經鄧昌玲胞弟鄧郁玲招到廣聯發號承頂該店全盤生理并代償租項工費所餘之欸即以權償萬昌隆各欠此係當眾授受彼此均皆允肯并無異言自頂之後廣聯發號即遷居該店嗣後生理盈虧不干萬昌隆舊人之事先此聲明免滋後論 大清光緒十六年九月十五日 承頂人廣聯發號 退股人鄧郁玲同啟

三品酒 1882. GRAND VIN SUPERIEUR 1882. PREMIER CRU

Cécile Hurdier
Cuvée de Réserve

BEHR & CO SINGAPORE

Sole Importers for Straits Settlements and Netherland's India

啟者茲本公司由歐洲辦到頂上三品酒甚多來叻蘭發售酒味甚美且價亦相宜茲將此酒標式附登報中諸君購而飲之細辨香味出方知此言之不謬也特此佈告



啟者以上標頭所列之星標萬蘭池酒香味甘濃最稱美善飲之不惟不醉且可娛心養顏其益莫能殫述茲本公司特由歐洲辦到來叻應沽諸君賜顧祈請認明以上所列標頭爲記庶免有誤特此佈聞

大英一千八百九十年九月二十號 廣買公司謹白

啟者茲因原告已故楊天泉掛沙人黃色梅控告已故楊源財掛沙人王温娘之案經臬憲於一千八百九十年三月八號委派拍賣人軒尼晏都尼奧吉靈爲代收數項人將所有楊天泉之家業及被入所欠之項等概爲收耐倘諸人等曾有收到已故楊天泉之產業及器物等可即交該代收數項人軒尼晏都尼奧吉靈之手其有欠到楊天泉之項者亦須即爲交還該代收數項人之手以歸清楚特此佈聞 大英一千八百九十年四月二十九號 大清光緒十六年三月十一日 原告狀師直汝尼卑亞謹白

啟者茲本館欲延請書寫石版字人一名其人須精於楷行兩法方能合用倘能兼工篆隸以及宋體各字者尤佳倘諸君有欲就斯席者請至本館面商爲望 本館謹啟

特授北慕娘督餉等處地方輔政使司茅 為招承餉碼事照得現奉 督憲札開本國家欲招人承充一千八百九十一年本境內

烟酒等餉碼須照以下所列而行計開 其一鴉片烟餉承充此項餉碼者其承餉人可以裝載烟土入於納閩及其轄下各地以及煮烟

賣烟出牌與人賣烟并沽賣烟灰等事至於辦理該烟碼之事須照納閩一千八百七十三年所立第二條章程及北慕娘國家於一千八

百八十九年所出第三號之告示而行 每烟土一粒所煮之烟不能逾廿七兩之額 所沽之價如十元則沽烟六兩八錢 五元則沽

烟三兩二錢五分 一元則沽烟六錢二分 五角則購烟二錢九分 每烟一錢購銀一角九分 每烟一分購銀二占 每土一顆賣

酒餉承充之人可以載酒而入以上所列各口及出憑與人販賣各酒及華人所釀之酒并各色酒即蜜酒亦在其內而辦理此碼章程可

銀四十元算 其二照一千八百八十九年所出第八號及一千八百八十八年所出第三號之告示而行 其三當碼承充之人可以自

己開設典肆及出憑與人開設典肆其辦理此碼章程當照納閩國家於一千八百六十八年所立第三條及一千八百七十二年所立更

改舊律之第一條章程及一千八百八十九年所出第一百三十一號之告示而行 其四賭碼承充之人可以自行設賭以及出憑與他

人設賭然此碼當照一千八百八十三年所出第二號告示及一千八百八十九年所出第七號之告示并一千八百八十九年所出第一

百零八號之告示而行惟納閩則不在此論 其五出入口餉稅之碼在東方所抽出口之稅則如沙藤樹乳黃蠟燕窩木料及山貨海貨

等而入口之稅則各烟各酒食鹽火柴等其在西方所有出口貨及稅則等均與東方出口之貨相同惟入口之貨則鹽鐵銅各酒雜烟火

藥及布疋等物 其六勿刺煎碼凡承充此碼之人可在該處捕蝦及製做勿刺煎并可出憑與他人捕蝦及製做勿刺煎等事 其七乃

在刺美迷地方採取燕窩餉碼承充之人可以在馬台及施牙隆採取燕窩而國家所抽什一之稅亦撥歸其收取 以上各餉碼如有入

票願為承充者不得極行混列必須逐條分列以歸清楚如有欲承數處地方餉碼者則每地須另列一票照以下所列而行 一由北慕

娘西方巴打士港之施卑同河起至東方施模高港及納閩所轄各地方止然此惟承充鴉片之界限他碼不得援以為例 二由東方之

丹戎伊拿呂東起至施模高港止然拿威 刺目 土兀 仙那港 根那峇東眼及施牙馬等一帶河港皆在其內 三在三寶壟地方

由三寶壟起至峇株那兀止 四西方各地由丹戎伊拿呂東之北境起至施卑同河之南境止然萬外 峇南峇眼海嶼及納閩皆在

其內此亦惟烟碼為然他項餉碼不得援以為例 五古達各地由丹戎伊拿呂東起至三班峇牙塞止然所有馬呂豬河中各港及萬外

峇南峇眼各地皆在其內 六牙耶地方由三班峇牙塞起至萬牙灣河止而淡巴塞 亞買 暗望 土刺疊 大蘭 牙耶港 浮

打丹 巴巴 基馬尼士及所有南方各港皆在其內 七巴打士地方係由掛勝班油起至施卑同河止而基里亞士及巴打士那密

巴打士勿殺及施卑同河南方各港及納閩亦在其內此亦鴉片烟碼為然他項餉碼不得援以為例 八納閩及其所轄各地方所承餉

碼惟有鴉片一項而已 至於所入之票每紙須詳細書明在一千八百九十一年所承何項餉碼而是年願繳餉項若干如欲承充北

慕娘各地方及納閩東方之總烟碼或承充仙那港東方一帶酒當賭及出入口稅者其票務於西本年十一月三十號即華十月十九日

以前送交本署而票面均須用火漆印封固而票封亦須寫明承充餉碼機密等字樣方能投遞倘諸人有欲分承古達 牙耶巴打

士 打末馬 或納閩等處其票當於西本年十一月十號即華十月初四日以前送交該處參政司亦無不可所投之票任由國家選擇

而國家亦斷不能執價高者得之例也至於入票之人及其保人約須將其姓名住址及其所為生業詳細列明然有人欲入票而不欲列

其真姓名者亦可書寫別號然所書別號不得逾三字之限而其人務須再寫一函將其真姓名及其入票所用之別號一一列明並須查

押送交北慕娘制軍府內其函外務須書明機密等字樣方合 所有以上各餉碼均須遵照現在國家所定之律及他日國家所更定之

律而行倘諸人欲知其詳細者可向仙那港之庫務司及各地方之分府或本國家駐紮港叻之代理人處詢問便得其詳特此示知各宜

踴躍幸無觀望切切特示 大英一千八百九十年十月廿一號 大清光緒十六年九月初八日在仙那港示

預行佈告 ○啟者現奉勿里士敏諸協理人之命特字通知諸君一體知悉茲欲於西本月中旬諸協理在勿里士敏公議訂立條規

凡諸股份人所有之股或第一次之項未繳償還抑僅償第一次而第二次之項尚未交出者即將其股份充公等情特此預知諸惟 察照
大英一千八百九十年十月二號 刺查烏士直禮里安申里吉有限公司駐叻代理人兒突打列謹白

北慕娘招承餉碼示




聲明告白 ○啟者本號向用林榮貴司理數目茲因林榮貴志圖別業另行創設恒豐號營生特此聲明嗣後恒豐號林榮貴與各
寶號往來數項與本號無涉先此預聞免滋後論 大清光緒十六年八月廿四日 舊巴風第一百十八號門牌恒源棧立記黃順周謹啟

貨棧店舖出賃 ○啟者本公司有貨棧一間廣闊異常坐落甘公麻六甲之甘明街第十號門牌并有店舖三間坐落甘公麻六甲之
街根第九號十號十一號門牌又貨棧一間坐落三美街長興棧之巷內第十一號門牌茲欲出賃與人倘 諸君有欲稅居者請至本公司相
商便妥特此 佈聞 大英一千八百九十年八月廿九號 大清光緒十六年七月十四日 新嘉坡保險公司謹啟

蜜酒出售

烏密酒發賣

出賣三品



啟者本行督辦歐洲馳名三品洋酒來叻發售其酒係白頭款式發售有年沽飲諸君莫不稱其香安奈近有無恥之徒假冒本庄三品酒款式以圖魚目混珠情殊可恨嗣後諸君買本行白頭三品酒者請認明本行商標為要也公同者始無若此字樣即係假冒請認明特此佈聞 大英一千八百八十五年十二月十九號 明碼也公司謹啟

啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭標烏密酒到叻應店此酒香奕異常不惟飲之可口且能保養精神調和血氣常飲令人不生疾病誠酒國中上品也諸君光顧應細看以上所列之狗頭標庶不致誤且價甚相宜倘諸君有欲酌飲者請至本行取用可也此佈 大英一千八百八十八年八月十五號 明碼也洋行啟

嘗思養生之道所最要者則惟飲食其次則惟睡眠然必須有以善其始無意外此本行鐵櫥所以為諸君之所共賞也啟者本行所賣之鐵櫥久已馳名於東方一帶而於叻坡則聲名尤著至本行沽賣此等鐵櫥已有三十年之久其製甚為堅固保能避火且其匙鑰甚妙斷非盜賊等所能開計其全身均用鐵製無雜成並以木料且諸櫥自前至今均為一式堅固前無有優劣之分至於各櫥大小不一而價值則約一百元至四百元凡用之者可保其不礙焚燒即遇出火災亦無所損本行之鐵櫥實為叻坡諸華商所喜購而本行每年所沽亦殊不鮮茲特為之錄佈倘諸君有惠顧者祈即玉臨選購為盼 大英一千八百八十九年十一月廿八號 大清光緒十五年十一月初六日 明碼也洋行謹啟



法國頂上蜂標萬池酒出售



敬啟者茲本公司親由法國督辦頂上好萬池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬池酒無有能出其右者誠佐饌中妙品也至此酒惟本公司一家沽出餘無別家出售諸君光顧請細認蜂標標頭為記並細辨香味方不致誤價甚相宜倘有躉份之購者祈早至惠臨沽買是幸 大英一千八百八十八年六月二十號 大清光緒十四年五月十一日 明碼也公司謹啟

啟者本行由歐洲辦到上等密酒來叻發售其酒甚佳茲將標頭印出請君光顧祈為細認免致有誤倘有無恥之徒假冒本行領匙標者本行定必嚴為控究再此酒不能販往加勝吧 三寶壟 泗里末 巨港 檳榔嶼 日里等處其他各埠均能運往謹此佈聞 大英一千八百八十五年十一月十日 明碼也洋行謹啟



電報譯登 ○十五日英京發來電報云前相托公現在伊甸麥地方對衆論云現在英廷於水陸軍餉一事未免過於廉賈至於俄國之猶太教人近爲俄官虐待如斯殊有可憐之處惟此事諒俄皇必不能深知該教民之苦倘或知之料必亦能稍加惻憫也

英郵船抵嶼定期 ○刻接前途來電云英國郵船名買沙保於本月十五日十一點鐘由高浪發輪來嶼定於廿二日禮拜二即能抵嶼上落客貨訖即展輪往香港上海等處茲特登報以聞

海風又見 ○北山輪船現由汕頭抵叻據船中人報謂前若該船由暹羅赴港之際適遇颶風且船中煤盡不能前進不得已就近因駛往海口地方暫避并添煤炭始能復駛以故行期緩甚計閱十六日之久始能抵港而前日該公司之東山輪船亦由暹羅往港亦遇此風至都倫暫避以故亦多延緩計閱十八日之久始抵香港江於此觀之則近來海風之狂而輪船來往艱難亦可令行船者有望洋之歎矣

命案再限 ○閩人梁和被陳賴船傷斃命及陳諦命案一節均於十五日在府堂集訊爰以案情重大尙未卽下判詞因命將案展限至廿三日再行復訊云

工部局會議 ○十四日工部局諸員集議時總辦人員起對衆云現在承充新舊巴風餉碼之人均有稟呈本局言所入不敷所出以致虧本甚多求將此稅爲之裁減云云因請諸君到議俾以決從違之準也言畢而該局司理人釐兒不勝宜禮亦起而言曰承批舊巴風之人前於開辦在局之時業向本局稟請求將所繳之資核減嗣總辦驗以候查核辦等情言畢不巴爾來那洋行東主蘇士拍賣館主吉雷均起而稱此事若據承批之約則斷不能核減其資也言畢而局員陳君若錦則起而謂將此費減去五十元以示體卹商情而林君亦起而和之由是諸員意見參商因照例舉行投筒之法以決從違之準迫開票看視則言減其稅者爲多而然總辦所入之票亦主減稅之說故其議遂定而新舊兩巴風所承之餉每月已減去五十元之數矣此事雖畢然總辦復起而言曰現接國家來文係言華人葬地之事而此事須俟下期公議因特預爲通知云云議畢諸員遂次第而散

保險公司會議 ○十四日下午四點鐘本坡實得力保險公司及新嘉坡火燭保險公司之司理人邀請叻地各洋行代理各保險公司之人至商務公所中會議追諸人齊集之後即推實得力保險公司司理人麥密以爲主席麥君乃起語衆云今日所以邀請諸君到而共議者實欲保全我輩各保險公司之利權以免受欺於人在鄙意擬於西來年正月月起所有保險單面須爲聲明所有投保之家每年須爲一總結并將所存之貨列一清單妥爲收存而其數簿及一切買賣存貨等簿亦須明白繕就而單簿等每夜須存於避火之鐵夾萬內而所用之夾萬亦須公司核准方可用之而此夾萬藏於何處亦由公司核定倘犯此規設遇不測而保險單即作廢紙不能索取償金今所以設立此條者實緣叻地常有回祿之災而其起火之由無從查核故特立此章程實因亞洲之人而設也且此等章程英國本年已有行之甚爲妥善故特請諸君共議俾得一律行之以資聯絡云云言畢新嘉坡火燭保險公司司理人蓉花亦起而論及叻地近來火燭情形并言觀近來失火各家多有可疑之處故特擬立此法以除弊端耳言畢有代理某公司之人起而言謂敝處所保之產係爲西人者爲多云云而心士洋行東主吉力君亦起而言曰此事以鄙意觀之可以無庸議及也至於各代理保險之人亦多言此事實難自決當函致總理人處詢問俟其若何裁覆而後再謀惟明鳴也及希里知兩洋行東主則不允舉行衆因言謂此事不必決定從違宜函知總理人處以俟若何裁覆然後遵行可也議畢諸人遂散

險遭毒毆 ○近來牛車水一帶門毆之事幾於無日無之查其人係分二黨綠潮籍之人與本坡生長之人不睦致相械鬥既而海南人等則相與而助潮人粵人之不逞者亦有功及本地生長之人以故時有忿爭且常有局外之人并非入於會黨之中者亦遭誤毆是則頑民之滋事亦可知矣十五夜有生長本坡之閩人吳某偶至牛車水某娼寮中作品茶之局不意吳入該寮之際爲某潮人所見遂以爲仇黨之人也即歸糾集多人擁至寮中欲尋吳痛毆幸該妓知吳素非滋事之輩因匿吳於他室諸人乃不能尋獲惟仍在門前伏而密伺吳以故終不敢出迨至戲場報罷之際有第六號三畫列等差沙逸道經於此有人將此事向該差告知時復有護署暗差一人適至沙逸乃命該暗差偕同潮籍巡差一人相與至寮中護送吳返其家吳至是始免於難云由是觀之則該處門風之狂亦可見矣

回祿又見 ○近來叻地火災疊見凡數次同祿之類實爲向來所未有噫何叻地火災如是之甚耶十五晚九點一刻鐘時陞旗山警炮轟傳報稱火警查係小坡正興街海傍第二十號門牌之洋樓失火查該屋雖係洋樓款式惟非西人居住其業主本葡萄牙人現居澳門因將此屋託交本坡葡萄牙教堂之神甫賓都代爲經營而該神甫復將此屋轉交其教徒小坡馬禮街口火車路謝明昌號潮人謝姓代理嗣謝以此屋係屬洋樓實不易於出稅因將其屋爲之分賃乃在該屋樓以板閣爲住房大小不一計共二十間而寓居者皆屬小販工役者流并有賃其房以爲囤貨者而屋傍餘地則賃人與鋸木營生查是夜之火係起於樓下某房中該房原係貯貨之所聞積有巴麻油甚多而房中鎖閉并無人不知何故遺火其中是夜約七點半鐘時同居之人即見有濃烟由該房中冒起惟房門鎖閉無從得入因欲在樓上灌救奈樓板厚而且密水無從入於是鄰舍人等紛擾良久至八點餘鐘時亦覺無能爲力衆至是不不得已欲將樓板撬破俾得以水灌注其中不意樓板方